

**OM ARUBA TA PASA
DOSSIER DESAPARICION
NATALEE HOLLOWAY
PA OM AMSTERDAM**




WWW.SOLODIPUEBLO.COM



SOLODIPUEBLO@GMAIL.COM

**NA STEFANY SEVINGER:
E 250 MIYON CU BO A
'SCAPA', TA E CUENTA
DI 7,000 KAMBER CU
BO TATA A FIRMA!**



**MOTOR BIEUW DI
1972 LO WORDO
REFURBISH NA
BUBALI PLAS ENBES
DI CUMPRA NOBO**

**"DICTADURA DEN
PARLAMENTO! GOBERNADOR
A RANCA OREA DI MARLON
SNEEK PA SCONDE
REUNIONNAN DI PUEBLO"**



Parlamentario Shailiny Tromp-Lee:

ENFOKE RIBA VISION DEPORTIVO Y MANTENCION DI INFRASTRUCTURA DEN REUNION CU ASU



Dia 1 di April 2026, mi tabatin e placer di tene un reunion hopi positivo cu e directiva di Aruba Sport Unie (ASU), un organisacion cu e aña aki a cumpli 85 aña sirbiendo deporte na Aruba. Como Presidente di e Comision di Deporte den Parlamento, mi ta considera e dialogo cu e veld deportivo algo hopi importante y necesario. Pesey mes mi ta organisando un serie di reunion cu diferente stakeholders. A inicia cu COA y djei a continua cu ASU. Ainda riba agenda tin entre otro IBISA y FLPD.

ASU ta fungi como un pilar central, representando e interesnan di un total di 38 federacion deportivo. Durante nan presentacion, nos a elabora riba varios punto.

Mantenion di infraestructura sigur tabata e punto crucial den nan presentacion. Un di e

puntonan mas relevante tabata e necesidad urgente pa mantenion di nos facilidadnan deportivo. Nos a discuti con por bin cu planificacion structural y kico ta necesario pa garantisar cu nos facilidadnan ta keda den bon estado y safe pa nos atletanan. Alabes nan a pidi nos atencion pa e facilidad Joe Laveist y e proyecto cu tabata di tuma lugar bou di e gobernacion anterior patras di e edificio ASU, caminda tin container yen di material pero a keda para pa motibo di falta di fondo. Nan a pidi Parlamento su intervencion den esaki serca Gobierno di Aruba.

Otro punto crucial cu nos a trata ta e sosten crucial cu ta keda duna na Federacionnan: Esaki ta mediante workshops, curso of charlanan. Ta concentra riba e necesidad pa duna apoyo tecnico, profesionalisacion,

formacion di coachnan etc.

Mirando e cantidad di temanan y e importancia di e punto riba infraestructura, nos no a keda cla cu tur cos den un reunion. Pesey a keda palabra cu mi lo yama un vervolg vergadering pa nos por sigui profundisa den nan plannan y trata posibel solucionnan concreto pa nan retonan.

Na clausura di e reunion, mi a ricibi un bunita detaye: un pin special di ASU for di man di Sr. Moises Fernandez, miembro di Directiva di ASU. Mi conoce Moises desde aña 2002 y den transcurso di e añanan nos a traha hunto na hopi ocasion pa deporte na nos isla.

Un en especial cu ta Weganan di Reino. Mi kier a expresa mi mas sincero gradicimento pa e gesto y e atencion personal aki.

MOTOR BIEUW DI 1972 LO WORDO REFURBISH NA BUBALI PLAS ENBES DI CUMpra NOBO

ORANJESTAD – Gobierno di Aruba a duna di conoce nan strategia nobo pa enfrenta e crisis ambiental na e planta di purificacion di awa (RWZI) na Bubali. En bes di e inversion structural den un planta moderno manera a wordo planea anteriormente, e maneho actual a opta pa un caminda cu hopi ta considera un “pleister” riba un problema cu mester operacion profundo.

E plan: Renoba motor di 1972 y tuberianan pa Malmok

E propuesta principal di Gobierno ta basa riba e “refurbishment” (drechamento) di e motornan existente na Bubali Plas, cualnan ta data di 1972. Ademas, nan plan ta inclui:

Instalacion di tuberianan bou tera pa conecta Bubali cu e planta na Parkietenbos.

Desvia e exceso di awa pa area di wetlands na Malmok.

Parlamentario Stephany Sevinger mes a confirma e cambio di maneho aki den su declaracionnan recien, bisando: “En bes di sigui cu inversionnan grandi sin control, e profesionalnan capacita na cabes awo, ta enfoca riba mantenimiento, optimisacion di instalacionnan existente...”


Capacidad: Motor Bieu vs. demanda 2026

E pregunta fundamental cu comunidad y expertonan ta haci ta: Con un motor di 54 aña bieu, maske bo drech’e, por carga e demanda di e miles di kambenan di hotel nobo cu ta habriendo nan porta? Un motor drecha no ta cambia e capacidad fisico di e planta. Si e fluho di awa sushi drentando ta redobla, e planta di 1972 simplemente no tin e “volume” pa procese. Esaki ta nifica cu e riesgo di mal holo y contaminacion di nos costanan ta keda un menasa constante.

Invento y fracaso di pasado: 17 Miyon di Ecogas/WEB

Loke ta mas preocupante pa hopi observador ta e similaridad entre e proyecto aki y e fracaso di e proyecto Ecogas den pasado. Den e tempo ey, mesun personanan cu awe ta manehando y ta den e “think tank” di Gobierno, a convence WEB Aruba NV pa gasta 17 miyon florin den tuberianan bou tera pa trece gas.

E resultado? E tuberianan ey nunca a transporta ni un solo centimeter cubico di gas. Un inversion di 17 miyon cu a bira un fracaso total y cu pueblo mester a paga den su recibo di awa. Awe, ta parce cu e mesun grupo ta “aventurando”



atrobe cu tuberianan bou tera y tecnologia bieu, sin un garantia real di exito. Negoshi pa ken?

Analisis: Vision pa 2050 of djis un solucion pa awe?

Maske e plan di Gobierno por costa menos den e prome fase, nos mester puntra nos mes: Esaki ta loke Aruba mester pa ta cla pa aña 2050, 2060 of 2070?

Sostenibilidad: Mantenimiento riba tecnologia di 1972 no ta sostenible a largo plas.

Malmok y Wetlands: Manda awa pa area di Malmok sin un purificacion di nivel halto por crea un desaster ecologico den un di nos areanan mas balioso pa turismo y naturalesa.

Gasto Dobel: Hopi biaha,

ora bo scapa cen awe riba un fundeshi mal traha, mañan bo tin cu gasta dobel pa drecha e daño.

Aruba no por permiti un otro “aventura di tuberia”. Un vision di 1972 no por soluciona e retonan di un Aruba moderno cu miles di kamer extra. Si e fundeshi di nos infraestructura ambiental

faya, nos pilar economico principal lo paga e prijs.

No solamente esaki, tambe tin mas proyecto fracasa di WEB, manera flying wheels pa warda coriente. A gasta 70 miyon florin sin un dia e proyecto a mira lus di dia. Pues, si ta e mes personanan aki ta na cabes, anto e futuro lo tq hopi scur.

Clasificados

SOLODIPUEBLO@GMAIL.COM

CEL.585 9500



NoticiadiCorte

TUR DOS POLIS CONDENA NA 3 AÑA DI PRISON PA A TIRA INNECESARIO MATA E HOBEN AYDEN LANOY

ORANJESTAD — Awe merdia 2'or, Hues a dicta sentencia den e caso penal contra e dos agentenan di Polis, M.V. y R.D. Ambos ta wordo haya culpabel di complice di a mata Ayden Lanoy.

SOLO DI PUEBLO por a compronde cu Hues a bisa cu e no ta di acuerdo cu e exigencia di Fiscal y ta haya cu M.V. y R.D. mester haya castigo di prison. Hues a bisa cu innecesariamente M.V. y R.D. a tira y mata Ayden Lanoy.

SENTENCIA

Hues a bisa cu e sentencia ta di casi 30 pagina pero e lo duna en corto su decision. Hues a bisa cu el a concentra mas riba e imagennan di video y investigacion tecnico di Landsrecherche. Hues a bisa cu despues di a blokia e auto na Madiki, ambos Polis a baha for di e patruya di Polis y saca arma. Na mesun momento M.V. a los 3 tiro riba e auto. Un bala so a alcanza e auto. Hues a muestra cu R.D. a los 17 tiro riba e auto. Un di e balanan a bora e auto y herida Lanoy mortal. Hues ta haya cu aki ta trata di complice di mata Lanoy.

A TIRA INNECESARIO

Hues a muestra cu abogadonan di M.V. y R.D. ta haya cu e Polisnan tabata autoriza pa usa nan arma pasobra nan tabata sinti nan bida na peligro. Hues a bisa cu teniendo cuenta cu leynan di Aruba y Europeo, Polis tin libertad pa usa arma pero te na un limite.

Na opinion di Hues, promer y despues di e incidente no tabatin indicacion cu Lanoy tabata arma. Tabata trata di un chofer cu tabata huy di Polis. No tabata tin un situacion cu e dos Polisnan nan bida tabata na peligro. Nan a baha for di e patruya di Polis, saca arma y los tiro. Na opinion di Hues, no tabatin necesidad pa a tira y e Polisnan no tabata autoriza segun ley pa tira.

NO POR PAPIA DI DEFENSA PROPIO

Hues a bolbe muestra cu no tabatin un situacion cu e Polisnan M.V. y R.D. nan bida tabata na peligro. Hues a rechaza e ponencia di abogadonan, cu M.V. y R.D. a actua den defensa propio.

Hues tambe a papia riba e defensa di abogadonan cu e Polisnan lo a pensa cu nan bida ta na peligro. Hues ta haya cu esaki tampoco ta aceptable.

Na opinion di Hues, como agentenan di Polis, tabata spera cu nan lo a actua corecto. E hecho cu nan tabatin diferente asistencia riba e dia ey no ta kita afor cu como Polis, M.V. y R.D. mester por a actua corecto.

MESTER PAGA CASI 40 MIL FLORIN DI DAÑO

Hues ta haya cu e mayornan y e pareha di Ayden a haci demanda di daño material y inmaterial y Hues a aproba casi 40 mil florin y tur Polis ta responsabel pa esaki.

NO TA TOLERA USO INNECSARIO DI ARMA

Pa cu e castigo, Hues a bisa cu e caso aki ta un tragedia. Te ainda e famia ta afecta. Ta di compronde cu e famia no ta accepta loke a sosode. Hues ta di opinion cu mester duna un castigo husto. Kico ta un castigo husto? Mester duna castigo pa loke no a haci bon. Mester tene cuenta cu nan ta hende y kico ta consecuencia di castigo pa e Polisnan y kico esaki ta pa comunidad.

A TIRA 20 BIAHA Y LANOY NO TABATIN CHENS

Hues a enfatisa cu ta importante cu e Polisnan innecesariamente a haci uso di arma. El a muestra cu en total M.V. y R.D. a tira 20 biaha riba e auto y Lanoy no tabatin chens. Hues a bisa cu M.V. y R.D. a kita e bida di un hoben.

NO ACCEPTA EXIGENCIA DI FISCAL

Hues a bisa cu e no ta di acuerdo cu exigencia di Fiscal. Hues ta haya cu mester duna castigo di prison. Hues ta haya cu mester spera cu Polis ta acuta y corecto cu un arma. Comunidad mester por confia cu no sin mas, Polis ta bay haci uso di arma.

MESTER MANDA SEÑAL

Hues a bisa cu mester manda señal bon cla cu Corte no ta tolera uso no necesario di arma di candela.

CONDENA DI 3 AÑA DI PRISON

Pa cu e castigo, Hues a bisa cu e ta tene cuenta cu ambos Polis ta promer biaha cu nan ta dilanti Hues pa un lamentable caso asina. Hues a bisa cu e no ta duda cu M.V. y R.D. a spera cu algo asina por a pasa. Hues a bisa cu e ta tene cuenta tambe cu M.V. y R.D. no por traha como Polis y cu pa resto di nan bida nan mester carga loke nan a haci.

Hues ta haya M.V. y R.D. complice di a mata Lanoy y a condena nan na 3 aña di prison di cual 1 aña ta condicional cu un tempo di prueba di 1 aña.

Clasificados

SOLODIPUEBLO@GMAIL.COM

CEL.585 9500

NA STEFANY SEVINGER: E 250 MIYON CU BO A 'SCAPA', TA E CUENTA DI 7,000 KAMBER CU BO TATA A FIRMA!

O R A N J E S T A D

Recientemente Parlamentario Stefany Sevinger a sali den medionan di comunicacion pa purba bende un storia unda e ta pretende cu a "scapa" Aruba di un debe di 250 miyon florin door di stop e proyecto di AWSS. Sinembargo, ora analisa e realidad operacional di Aruba, e declaracionnan aki no solamente ta falta di base, pero nan ta sconde e berdad preocupante: e mesun maneho cu su tata, ex-minister Benny Sevinger, a laga atras ta e causa principal di e caos cu nos ta biba awe.

Ken a crea e caos?

Pa compronde e situacion di e planta di purificacion na Bubali (RWZI), mester bay bek na e origen. Tabata precisamente den tempo cu Benny Sevinger tabata minister, cu a firma permisonan pa mas di 7,000 kamber di hotel extra. Esaki a wordo haci sin pensa riba e infraestructura necesario pa carga e impacto ey.

CAFT a stop inversion di 16 miyon na 2022 y

pidi aanwijzing:

Si nos tin AWSS awe, ta pasobra cu na 2022, CAFT a existi pa Aruba schrap e inversion di 16 miyon florin. E tempo ey hasta a manda pidi aanwijzing. Pe motibo ey a bini cu un stratega nobo y asina AWSS a sali.

E planta cu tin awe ta di aña 1972 cu no por cu e carga e cantidad di awa mas. Gabinete Wever-Croes II a busca un solucion structural pa medio di AWSS (Aruba Wastewater Sustainable Solutions), un entidad privatisa cu mester a busca su mesun fondonan (mescos cu WEB of Elmar) pa construi un planta nobo sin usa placa di pueblo.

E "spaarmento" di Sevinger ta un bom di ora Stefany Sevinger ta broma cu a stop e inversionnan di 200-250 miyon florin pa enfoca riba "mantenimento". Aki ta unda e peliger ta sinta:

4,000 kamber nobo ta habriendo: por mira constructionnan di Benny



ta lantando den tur skina. Mas y mas kamber di hotel. E herencia di Benny.

Mantenimiento so no ta basta: Bo no por purba drecha un machine bieu di 1972 pa e haci trabao di un planta moderno ora e demanda subi cu miles di kamber mas.

Colapso Ambiental: Door di no inverti den un planta nobo cu capacidad 4 biaha mas grandi (manera e plan di AWSS tabata stipula), e coalicion actual ta hibando Aruba den direccion di un desaster ambiental y turistico ora cu e Bubali Plas no por wanta e presion mas.

Ademas, e berdad tocante AWSS ta simpel:

No tabatin debe ainda: AWSS tabata den fase di negociacion. No por scapa algo cu no a wordo firma ainda.

Turista ta paga: E plan tabata pa e \$20 cu turista ta paga na entrada sirbi como garantia. Pueblo no mester a paga nada extra. Transparencia: E ley di AWSS a pasa den Parlamento di forma legal y publico.

Na final: Un vision corticto cu lo costa caro Enbes di ataca un solucion cu a wordo crea pa coregi e fayò di su mesun famia

politico, Stefany Sevinger mester splica pueblo: Kico lo pasa ora e 4,000 kambarnan ey habri y Bubali plas rementa ?

E "spaar" di 250 miyon cu e ta menciona awe, por bira e perdida di biunones di florin den turismo mañan si e cos colapsa. Mantenimiento riba un sistema bieu no ta un solucion; e ta simplemente un pleister riba un herida mortal cu su propio partido a causa.

Pa mas informacion real y alcaso, keda pendiente pa nos proximo edicion.

**TUMA ACCION PA PREVENI,
PROTEHA Y STOP DENGUE
CON NOS POR STOP
DENGUE?**



CHAUFFEUR BURACHI TA OCASIONA ACCIDENTE NA PIEDRA PLAT



Piedra Plat - Diabierna anochi rond di 7'or y 45 polis a bay atende un boksmento pariba di rotonde di Bright Bakery na Piedra Plat. Tawata di un Kia Rio[chauffeur burachi] y un Mitsubishi Outlander.

Tawata trata di un chauffeur burachi, e mesun chauffeur aki tawata involvi den un accidente serio den e bocht di Santa Cruz algun siman atras. E dia ey tambe e tawata bou influencia y a resulta herida y mester a bay Hospitaal.

Wel, e la sali for di Hospitaal algun dia atras y atrobe ta manehando auto bou influencia. E biaha aki e no a regula su velocidad y ta dal tras di un Mitsubishi Outlander.

Polisnan a pone supla y a duna 3 chance, pero lamentablemente e la fayanan y keda deteni na e sitio pa core auto bou influencia.

Parse cu tin hende no ta siña of mester di ayudo pa e problema di alcohol. No ta conoci si e lo por bay perde su rijbewijs awor.



DOS HERIDO DEN ACCIDENTE NA CADUSHI LARGO



Cadushi Largo - Sero Compa

Diabierna anochi pasa di 10'or a sosode un accidente

cu basta daño material y hende herida na crusada di Cadushi Largo.

Polis di Santa Cruz a

presenta y ta constata 2 hende herida, un dama y un mucha.

E dos autonan involvi tawata un Ford Figo y un Hyundai Accent.

Na stuur di e Ford tawata un dama Hulandes stagiair y e mucha tawata den e Accent.

Dos ambulance tawata necesario, aunke cu ambos persona tanto e mucha y e dama tawata levemente herida.

Falta di preferencia tawata motibo di e accidente di trafico aki.



IRAN TA CONFIRMA CU ISRAEL A BOMBARDIA SOUTH PARS, E DEPOSITO DI GAS MAS GRANDI NA MUNDO

Iran a confirma cu Israel, cu apoyo di Merca, a ehecuta un atake aereo contra e compleho petrokimico di South Pars, situa den e Golfo Persico. South Pars ta conoci pa ta e deposito di gas natural mas grandi na mundo, un zona strategico cu Iran ta comparti cu Qatar.

Detaye di e atake
Segun medianan di estado irani, e bombardamento a causa daño na e infraestructura di gas i a provoca candela den e instalacionnan cerca di Asaluyeh. E autoridadnan irani a culpa tanto Israel como e gobierno di e presidente mericano, Donald Trump, pa e

“escalacion peligroso” aki.

Posicion di Donald Trump
Presidente Donald Trump a duna di conoce cu e atakenan aki ta parti di e presion pa desmantela e capacidad nuclear y militar di Iran. Trump a spierta cu si Iran bolbe ataca e aliadonan den e region, manera Qatar of Saudi Arabia, e contesta lo ta mas fuerte ainda y por destrui e deposito completo.

Consecuencianan den e region
Prijsnan di petroleo: Mesora despues di e atake, e prijs di petroleo y gas riba e mercado mundial a subi drasticamente debi na miedo pa un interrupcion



den e suministro di energia.

Contesta di Iran:
Como contesta, Iran a lanza misilnan contra

obhetivonan den Golfo Arabo, incluyendo atakenan riba terminalnan di gas na Qatar, loke a aumenta e tension den e guerra regional aki.

E situacion na Medio Oriente ta keda sumamente tenso mientras Israel y Merca ta sigui vigila e movecionnan di e eheerito irani.

SEÑORA DI EDAD BURACHI A CAUSA ACCIDENTE



Koyari - Dialuna merdia pasa di 12'or polis a bay pura e bocht conoci pa accidentenan na altura di ex Buccaneer restaurant. Eynan un auto a bolter y tin hende herida.

Polis a yega y pabou di

caminda cerca di un cura di cas tawata tin un Kia Soluto ariba su banda robes. Na stuur un señora di edad, e tawata muera "ok".

Un poco mas leu un auto color blauw cu 3 ocupante.

E auto blauw un Mitsubishi cu tres ocupante di edad den dje tawata bezig bayendo nort, momento cu nan a pasa den susto topa e Kia color cora biniendo cu velocidad hato riba nan, cu lo a bira un impacto frontal.

Pa milager e Kia Soluta a pasa rasca e auto blauw y bay pega di banda pabou di caminda.

A resulta cu chauffeur di e Kia un señora grandi caba tawata burachi, coriendo auto masha irresponsabel y por poco causa un



accidente fatal.

E la wordo deteni y

transporta cu Van di CEA pa warda di polis.

Parlamentario Evelyn Wever-Croes

BAN PROTEHA DIGNIDAD HUMANO Y LUCHA CONTRA TRAFICO Y CONTRABANDO DI HENDE

“Pa Ningun Hende Biba den Esclavitud Moderno”



ORANJESTAD - Dia 1 di april 2026, Staten a ricibi un presentacion di Coordinatiecentrum Mensenhandel y Mensensmokkel Aruba (CMMA). E presentacion aki a mostra cu Aruba tin un ekipo dedica, sra. Jeanette Baars y sra. Suekyen Croes cu ta haci un trabou hopi importante pa proteha nos pais y nos hendenan contra crimennan serio manera traficacion y contrabando di hende.

“Mensensmokkel” of contrabando di hende, ta un delito contra e pais. Ora un hende yuda otro hende drenta ilegalmente na Aruba, duna nan cas pa keda of trabou ilegalmente, esaki ta cay bou di “mensensmokkel” segun ley. Esaki por resulta den condena di te

18 anja di prison. CMMA a mostra cu nan tin hopi exito den e lucha contra e tipo di criminalidad aki.

“Mensenhandel” of trafico di hende, ta algo diferente y mas grave, pasobra esaki ta un delito contra e persona y contra derechonan humano. Esaki ta inclui situacionnan unda hende ta wordo trata manera esclavo, no ta wordo paga, ta wordo forza den prostitucion of trabou forsa. Esakinan no ta cosnan leu di nos; esaki ta pasa na Aruba tambe. Pesei ta hopi importante pa mas hende den nos comunidad conoce e problema aki y sa con nan por reconoce señalnan y denuncia situacionnan sospechoso.

Mi kier expresa mi aprecio profundo pa e trabou



importante cu CMMA ta haci tur dia. Nan ta traha pa proteha esnan mas vulnerabelnan den nos comunidad y pa mantene Aruba un pais sigur y husto. E trabou aki no ta facil y ta pidi hopi dedicacion, balentia y perseverancia.

Semper mi a duna mi apoyo completo na CMMA, y p'esey mi a pidi pa Parlamento scucha nan. Apesar cu a tarda 4 luna pa e reunion wordo yama, mi ta contento cu porfin nos a logra. Mi ta desea CMMA hopi forsa y sabiduria den nan trabou

importante. Nos tur tin un responsabilidad pa habri nos wowonan, pa no mira otro banda y pa yuda den e lucha contra traficacion y contrabando di hende. Hunto nos por haci diferencia.

Un momento sumamente importante pa HOH y comunidad

HOSPITAL CU ORGUYO A EFECTUA REAPERTURA CEREMONIAL DI SU ENTRADA PRINCIPAL



Cu hopi orguyo y expectativa, riba diamars 31 di maart Horacio Oduber Hospital (HOH) a celebra e reapertura ceremonial di su entrada principal. Despues di un periodo di renobacion intensivo di e entrada principal cu a dura no menos cu cinco aña a tuma luga e momento historico unda tur partner a corta e cinta como simbolo di perseverancia y cooperacion cu awe por tin un facilidad moderno y eficiente cu ta eleva e experencia di pashentnan y bishitantenan.

Gregory Croeze, miembro di Hunta di Directiva di HOH, a dirigí su mes na

e publico y a enfatisa e importancia di e momento aki. “E reapertura ta cumpli cu e mision principal di e hospital pa ta mas accesibel. E ceremonia simbolico di awe di habri e entrada principal ta restaura un sentido di familiaridad pa e comunidad di Aruba, combina cu un aire nobo moderno y eficiente.

E renobacion di e entrada principal no tabata simplemente un cambio estetico, sino un transformacion completo. E infraestructura a keda completamente renoba pa acomoda e necesidadnan actual di un hospital di e siglo 21, unda e



fluho di pashentnan y bishitantenan por wordo maneha mas efectivamente y den un ambiente mas agradabel. E hospital a logra un balansa entre nostalgia di e estructura original y e exigencianan di cuido di salud contemporaneo.”, Croeze a termina bisando.

E entrada principal lo ta habri diariamente entre 6am te cu 8.15pm, pero por keda haci uzo di e entrada di Area A cu ta keda habri pa por ehempel servicio na endoscopia, wondpoli, revalidatie y functiekamer. Ademas, den algun siman e cafeteria lo tin un “soft opening”, creando un luga pa descanso y nutricion den e area di entrada. E Deli ta operacional caba, ofreciendo un servicio rapido pa e coleganan y bishitantenan. Un elemento crucial ta e Balie di informacion cu a muda bek, sirbiendo

como e prome punto di contacto pa registra si t'ey pa bishita un ser keri cu ta admiti den HOH. Tambe nan t'ey pa brinda orientacion y asistencia necesario. Ademas di e facilidadnan diario, lo muda su International Patient Office (IPO) pronto na entrada principal fortificando mas ainda e posicion di HOH como un entidad importante den region.

Na final di e ceremonia Hunta di Directiva di HOH a otorga na Prome Minister, sr. Mike Eman, Minister di Salubridad, sra. Mervin Wyatt-Ras y tambe Presidente di Hunta di Directiva John Hodgson un di e 125 tegelnan cu a logra rescata di e camber di operacion biew como muestra simbolico di historia y continuidad. Tambe a gradici y reconoce e esfuerso colectivo cu a haci e proyecto aki un

exito. Un danki na tur colega di hospital cu a traha incansablemente, demostrando un compromiso cu ta yega mas leu cu nan deber, y a enfatisa cu nan no ta core pa reto, pero ta traha riba esakinan.

Tambe no por keda sin gradici Hunta di Supervision, Gobierno di Aruba como propietario di e edificio, tambe SOGA pa e cooperacion y sosten continuo y tur otro stakeholder cu a haci e proyecto aki posibel.

E reapertura aki ta confirma e compromiso continuo di HOH pa ofrece cuido di calidad halto den un ambiente moderno y accesibel. HOH ta gradici henter comunidad pa nan pasenshi y comprension durante e periodo di renobacion y construccion. Masha pabien HOH y Aruba!

ARUBA CONSERVATION FOUNDATION Y AVIFAUNA A FORMALISA COLABORACION CU UN MOU DI 10 AÑA

E colaboracion aki ta amplia e Programa di Reintroduccion di Lora y ta yuda construi un poblacion di bida salvahe autosostenibel na Aruba

Oranjestad, Aruba — 30 Maart 2026 — Recientemente, Aruba Conservation Foundation (ACF) y Stichting Vogelpark Avifauna for di Hulanda a firma un Memorandum of Understanding (MOU) di 10 aña pa avansa e siguiente capitulo di e Programa di Reintroduccion y Conservacion di Lora. E colaboracion di largo plazo aki ta formalisa e cooperacion riba cria, traslado sigur, liberacion, monitoreo, investigacion y involucracion di comunidad, tur elemento esencial pa construi un poblacion di Lora autosostenibel na Aruba.

E ultimo Amazona barbadensis, conoci localmente como 'Lora', a wordo mira den naturalesa na Aruba na aña 1947, ora cu extincion di e especie localmente a tuma luga debi na captura ilegal pa comercio di mascotanan, persecucion como plaga den agricultura, y perdida di habitat.

Na 2024, despues di hopi planificacion y preparacion hunto cu partnernan local, regional y internacional, ACF a logra reintroduci e prome 25 Lora den naturalesa di Aruba como parti di su Programa di Reintroduccion y Conservacion di Lora. E loranan aki, cu anteriormente a wordo confisca for di comercio ilegal, awor ta bula liber y a cuminsa reproducir mas prome cu a spera.

Sin embargo, pa e poblacion di Lora bira berdaderamente autosostenibel, lo ta necesario pa sigui aña di loranan cu salud genetico fuerte. Solamente door di fortalece e poblacion di Lora

continuamente cu aportenan genetico nobo, e Lora lo bira mas resistente y sostenibel.

E MOU cu Avifauna, e coordinador apunta pa e European Association of Zoos and Aquaria (EAZA) Ex-Situ Programme (EEP) pa Lora, ta brinda e marco di largo plazo pa amplia esfuersonan di cria y liberacion maneha cuidadosamente den e siguiente dies aña. Como parti di e EEP, Loran selecta ta wordo cria den un haula di parha specialmente diseña na Hulanda. Despues den un fase posterior, otro institucionnan zoologico acredita na Europa lo uni na e programa. E facilidadnan aki ta mantene temperatura controla y condicionnan maneha cuidadosamente, optimal pa salud y bienestar di e parhanan. E Loran no ta simplemente biba den captura den zoologico na Avifauna, sino ta forma parti di un programa internacional di cria pa conservacion, crea especificamente pa sostene nan regreso na bida salvahe na Aruba.

Avifauna su Compromiso

di e acuerdo aki, Avifauna lo coordina e programa Europeo di cria pa Lora den colaboracion estrecho cu ACF, supervisando e seleccion y cuido di cria di Loran den institucionnan acredita. E organizacion lo percura tur permiso necesario, certificacion di salud, y coordina e transporte sigur di e parhanan pa Aruba como preparacion pa nan liberacion. Ademas, Avifauna lo brinda orientacion continuo riba cuido veterinario y maneho di especie, promove e Programa



di Reintroduccion di Lora y e esfuersonan di conservacion di Aruba den rednan zoologico Europeo, sostene iniciativa di investigacion y monitoreo pa studiantenan, y busca activamente financiamiento pa fortalece tanto e programa di cria y e programa di reintroduccion.

ACF su Compromiso

ACF lo lidera e operacionnan di liberacion na Aruba, asegura un condicion y cuido optimal prome cu liberacion, coordina trabou den veld, investigacion y monitoreo, boga pa maneho di proteccion fuerte y cumplimento, y sigui cu accionnan di restauracion di habitat, incluyendo planta matanan nativo cu ta sirbi como alimento y colocacion di cas artificial unda ta necesario. ACF tambe lo amplia involucracion di comunidad door di educacion y iniciativa di ciencia comunitario, y mantene colaboracion regional cu partnernan den Caribe pa asegura cu e programa ta refleha e miho practicanan den ciencia di conservacion.

ACF y Avifauna a bin ta traha hunto desde 2019, pero e bishita

di ACF na Hulanda na october 2025 a marca un punto decisivo. Discusionnan strategico durante e bishita a pone e base pa amplia e programa y formalisa e compromiso pa 10 aña, un paso importante den colaboracion internacional pa restauracion di biodiversidad di Aruba.

“Wak nan bula den naturalesa atrobe, y cuminsa reproducir, ta musta nos cu naturalesa ta responde ora bo dun’e un oportunidad,” asina Natasha Silva, Chief Conservation Officer di ACF, ta bisa. “Pero speransa so no ta suficiente pa asegura nan futuro. E compromiso di 10 aña ta asegura cu nos ta haci e trabou serio, disciplina y constante cu ta necesario pa construi un poblacion di Lora berdaderamente autosostenibel na Aruba. Ami casi sigur no lo experiencia e momento cu e poblacion di Lora ta para completamente riba nan mes, pero esey no ta cambia e responsabilidad cu nos tin pa sigui traha den e direccion ey. Nos ta restaurando un especie na su cas natural, permanentemente. Pa e generacionnan cu ta bin.”

Parlamentario Endy Croes: "DICTADURA DEN PARLAMENTO! GOBERNADOR A RANCA OREA DI MARLON SNEEK PA SCONDE REUNIONNAN DI PUEBLO"

ORANJESTAD – Den un conferencia di prensa dialuna ultimo, Parlamentario Endy Croes a baha pisa riba e "Parlamentarionan di Panlefi" di AVP. Croes a desenmascara con e fraccion di AVP-Futuro ta keda ridiculo, wardando riba Hulandesnan di Raad van State pa dicta nan opinion riba HOFA, pasobra nan mes no tin "wes di lomba" pa defende Aruba.

Presidente "Remote Control" y e secuestro di Parlamento Croes a splica cu Parlamento di Aruba simplemente no ta funciona debidamente bou di mando di Marlon Sneek. "Marlon Sneek ta traha riba remote control. Mike Eman ta esun cu ta primi e boton y Marlon ta obedece," Croes a sentencia. E prueba di mas grandi di e secuestro aki ta e carta di 13 sindicato cu

tin for di october 2025 ta pidi un reunion riba e tema di HOFA. Pasobra e sindicatonan ta contra e ley aki, Mike Eman a duna ordo pa sconde e carta y no yama e reunion.

Gobernador mes mester a duna Marlon un "sual" mereci

Despues di hopi presion di oposicion y un carta oficial manda pa Gobernador di Aruba, porfin e berdad a sali na cla. "Nos a compronde cu Gobernador a manda yama Marlon Sneek aden y a ranc'e oreo basta formal," Croes a revela. Segun Artículo 23 di Reglamento di Ordo, e Presidente tin e obligacion di yama un reunion pidi pa 3 miembro dentro di 30 dia. Pero Marlon Sneek a sconde e peticion di e sindicatonan pa 143 dia largo! Ta despues di e "sual" di Gobernador,



Sneek a core yama e reunion pa dia 19 di maart ultimo.

Lista di peticionnan di mas di 240 dia bieu!

Endy Croes a saca e lista di e reunionnan cu Marlon Sneek tin drumi riba nan:

- RWZI (AWSS): Peticion for di 3 di juli 2025 (mas di 240 dia bieu!).
- Desaro y o

Petrolero: Peticion for di 12 di januari 2025, cu ainda no a haya atencion.

- Sindicatonan: 143 dia pa atende un preocupacion nacional.

"Marlon, hopi wowo ta wak bo"

Croes a termina mandando un advertencia cla pa e Presidente di Parlamento: "Democracia mester wordo

respeto. Bo meta ta pa sirbi pueblo, no pa sirbi Mike Eman tras di cortina."

Despues di e sual di Gobernador, awor diripiente Sneek a cuminsa programa reunionnan pa luna di april. "Haci drechi, pasobra tin hopi wowo ta wak bo y esnan rond di bo!"

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



UN BON DIA YEN DI ALEGRIA ! NOS TA BAY BEK DEN TEMPO UN RATO Y TA PARA KETO UN RATO DIADOMINGO DIA 1 DI MAART 2026 CU UN BUNITA ACTIVIDAD DI EMPOWERHER



biba y sinti cu cada un di nan, identifica nos mes cu nan como UN pasobra hende muhe ta sostene apoya y keda contento pa otro hende muhe. Hopi di nos tin nos grupo di sister friends. Nos ta e curason di famia .

Nos ta e inspiracion den nos comunidad den cas, trabao y obranan di caridad. Den bida real kizas no ta asina ki cu tur, pasobra, lamentablemente tin cu ta jalurs riba exitonan di otro cu a traha duro pa logra nan metanan den bida. Pero e bunita mensahenan expresa e Diadomingo mainta ey, a toca tur curason presente. E bunita trabao di MC tawata den man di e simpatico Jeanella Pietersz cu a tene tur presente bon atento y cu atencion pa su maneranan artistico y inspirativo. Y e bunita y talentoso artista Karena Maduro a deleita tur presente cu su bunita

bos y a alegra nos corazon specialmente cu e dushi cantica di Izaline Calister Mi wowo di carinjo cu a pone Lady Ruth y varios di e damanan nechi presente bisti den algo cu e toke color ros los e heupnan y pianan un crenchi, riba e pleinchi pafor di e auditorium, despues di e interesante charlanan cu e dushi , super dushi hapjes en drankjes prepara cu hopi amor y carinjo pa Taste and tell Corner situa den San Nicolas.

Diasabra dia 7 di Maart nos a bishita tambe e bunita actividad di e fundacion Soroptomist den un di e salanan di Educampus Building, na unda antes tawata Bon Bini Bazaar den caya grandi. SICA Soroptomist ta e fundacion Internacional cu ta contra tur sorto di violencia contra hende muhe. Nan atencion pa cu e Dia Internacional di Hende Muhe Maart 8 2026 teni Diasabra dia 7

di Maart, tawata riba e tema trauma entre otro, cu oradornan Clementia Eugene, Sueli Kelly Quandt y Geraldine Lacle tocante Inner safety activation y a pone nos tur bay den un sorto meditacion pacifico cu nos peticion na universo pa algo cu a surgi bin ariba. Akinan tambe tawatin lekkere hapjes en drankjes available y un skina di duna massashi na nek y lomba pa algun minuut.

Akinan tambe Lady Ruth a hanja e oportunidad di a recita un bunita poema titula Muhe di e bunita dama escritor poeta Regina ' Uchi' Frans di nos isla ruman Bonaire, cu a cay na completo agrado di tur presente. Lieve mensen, danki pa e atencion pa lesa nos relato semanal, na unda nos a hiba boso un rato bek den tempo. Un 'bearhug' di Ruthy Lady Ruth. Sigi pasa un dushi dia yen di sabiduria den nos alegria .

Nos ta UN High Tea cu tur e damanan nechi bisti den e tokenan color ros cla of scur, den e auditorium di Universidad di Aruba cu participacion di varios bunita y talentoso hende muhe di Aruba cu a comparti nan testimonio di nan yabi pa a logra exito den nan bida. Lyzaira Polak, Evelyn Wever Croes, Allyson Ponson, Rose Anne Ruiz y Miraila Bernadina Theodora di e Fundacion cu ta hopi activo na Hulanda, a comparti nan storia, y

Lady Ruth a recita un bunita poema na ingles titula Being the change y a invita tur presente canta cu ne un cantica di y pa hende muhe cu su letranan inspira riba un melodia dushi simpel y bon conosi. Un super dushi momento cu sentimiento di hopi alegria ! Ki impactante tawata cada testimonio cu tur nan ups and downs, nan obstaculonan surpasa, nan trabaonan duro incansabel y logra exito tras exito. Henter e publico hende muhe presente a



UN FELIZ DIA YENA DI BENDICION, AMOR, PAZ Y GOSO DEN SEÑOR

Hesus a puntr'e: 'Señora pakico bo ta yora? Ken bo ta busca?' Maria cu a mir'E pa hardinero di e hofi, a bis'E: "Shon si ta abo a bay cu nE, bisa mi unda bo a pon'E, ya mi ta bay cog'E." Hesus a bis'e: "Maria!" E ora ey Maria a bira cara p'E y a bisa na Arameo: "Rabuni!" Esey ta nifica: "Maestro." (Huan 20,15-16)

Aunke Maria tawata kere plenamente den Hesus y su enseñansanan, e tawata hopi tristo mes. Tristes a algo cu ta kibra moral di hende, hasta di esnan cu tawata biba tempo di Hesus y ta kere den dJE. E tawata Maestro pero atrobe E ta siña nos cu tristesa ta zwak nos fe y cu aunke E por ta den nos presencia nos no ta realisa. P'esey den momento di tristesa, duele, afliccion y cualkier otro preocupacion, nos mester bira cara pa Hesus pa E mes por obra. Esey kiermen kita bista y pensamiento for di fuente di afliccion y preocupacion y habri curason pa E por obra. Hesus ta E Maestro Eterno.

Oracion: Señor, emocionnan ta debilidadnan fuerte cu nos tin, engrandece nos fe pa den nos debilidadnan nos keda busca y pone nos mes den Bo presencia, Amen.

Drenta su portanan di gradicimento,
Drenta su tempel cu cantica di alabansa, Glorific'e, bendiciona su Number.

Salmo 100:4

Cu inmenso dolor na nos curason pero conforme boluntad di Dios, nos ta anuncia fayecimento di:



Giovanni Joaquin Tromp

Cariñosamente yama "Ovi" of "Gio"

*15-08-1959 - †02-04-2026

Na number di su:

Casa:

Susanne "Sussy" Tromp

Mayornan:

Cornelia Tromp-Semeleer y † Hozé Tromp

Suegra y suegro:

Irena Dijkhoff, † Rufo Tromp

Rumannan:

Carmen Tromp, † Mario Tromp

Angelico Tromp, Lidwina Tromp (na Hulanda)

Jossy Tromp y Agnes, † Roberto Tromp

Mariana Wernet-Tromp y Edwin

Mercedes Ten Ham-Tromp y Willem (na Corsou)

Rosanna Koelewijn-Tromp y Jan, Margriet Lee-Tromp y Andy (na Hulanda)

Sobrino- y sobrinanan:

Enrique Tromp y Ana, Emma (na Spaña)

Paulo Tromp (na Spaña)

Angelino Tromp y Cora Mee-ling, Ephron, Ayra y Trevor (na Corsou)

Nicole Evertsz-Bilton y Aaron, Ben y Luz (na Nieuw Zeeland)

Chantale Evertsz (na Hulanda)

Giselle Evertsz (na Hulanda)

Fleur Tromp, Joey

Nina Vleeming-Tromp y Anthony, Daniel y James

Isabel Zuure-Tromp y Jasper, Jip (na Hulanda)

Jancis Tromp y Jacques, Ela y Eva, Jennifer Wernet y Efraim, Eric, Eldrick, Jaydrick y Jeandrick,

† Maurice Wernet, Willem ten Ham (na Hulanda)

Carmen-Rosa ten Ham (na Hulanda), Jacob Koelewijn

Kristel Lee (na Hulanda), Hannah Lee (na Hulanda)

Su tantanan na bida:

Anna Dijkhoff-Semeleer, Rosa Junker-Semeleer y Gerd (na Alemania)

Sua y cuñanan:

Anthony Tromp, Charlotte y Mario Trimon y famia

Astrid y Leonardo Petrochi y famia

Primo- y primanan.

Amigo- y amiganan y bisñanan.

Tur su ex-coleganan di DOW.

Demas famia: Tromp - Semeleer - Dijkhoff - Junker - Sluis - Wernet - Ten Ham - Koelewijn - Lee - Evertsz - Vleeming - Zuure - Wing - Geerman - Bilton - Nucete - Van Eps - de Cuba - Figaroa - Giel - Ridderstaat - Morittu - Trimon - Dabian - Filiciana - Cardose - Petrochi.

Nos kier a gradici fysiotherapeut Marlon Thode, tambe Hose Figaroa di Labco.

Un special gradicimento ta bay na su ruman Rosanna cu tabata su man drechi durante henter su enfermedad, na Jan y Jacob cu tambe tabata di gran ayudo. Na su ruman Carmen cu a hosped'e den su cas durante su enfermedad. Y na su ruman Margriet cu a sosten'e durante su tratamiento na Colombia.

Nos ta pidi nos disculpa si den nos tristesa nos por a lubida algun persona of famia.

Na lugar di manda flor/krans por haci un donacion na Koningin Wilhemina Kanker Fonds Aruba.

Condolencia lo tuma lugar na Aurora Funeral Home diamars 7 di April 2026, di 7or pa 9or di anochi.

Entiero lo tuma lugar na Misa Sta Anna na Noord diarason 8 di April 2026 di 2or pa 4or di atardi. Despues lo sali pa Santana Central Sabana Basora.

SOPI DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA

2. ESQUELETO

3. DISFRAZ

4. MASCARA

5. MIEDO

6. TUMBA

7. MAGIA

8. MONSTRUO
9. TRUCO

10. FANTASMA

11. HECHIZO

12. DULCES

13. MUERTE

14. CALABAZA

15. VAMPIRO

16. GATO

SUDOKU

		5		4				
			8					6
			1				3	7
			6			7		
		7			1			4
		8		3			9	
	3			8			4	
	8	2	9					
	7	4				9	5	

				6				
2		6		7			8	
9						2		5
				4				
3	6	5				4		
7		8	3			5		
					7			2
	9			8				
			6	5			3	4

	8							
	9		8	3		6	7	4
6								8
9	1	2		4			8	
		8					4	1
				9				7
5		3			7			
			4				2	9

Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu
humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos
por ta manera e fariseo husgando otro y halsando su mes of manera e
cobrado di belasting ta reconoce su falta y su necesidad di compasion.
Cu humildad nos ta sirbi otro sin busca recompensa; scucha mas y papia
menos, na balora e otronan pa loke nan ta y no pa loke nan tin of ta
aparenta di ta. Reflexionando continuamente ta yuda evita na cay den
orguyo y na mantene nos mirada fiho den e mision cu Señor a confia
nos. Biba cu berdadero humildad ta nifica rechasa e mascaradanan cu
hopi biaha nos ta pone pa impresiona of pa competi cu otro. No biba un
bida superficial of di falsedad, sea un luz pa mundo unda e luz di
Cristo ta briya den bo. Loke ta importa no ta con otronan ta mira nos,
sino con Dios ta mira nos. Ser bo mes y cu humildad ta acerca nos na e
berdadero esencia di nos fe y esey ta haci nos un instrumento den e
man di Dios.

Oracion : Señor Hesus, haci mi curason pareu na bo curason. Manso y
humilde y obedecido na bo Santa boluntad.

Amen.

OM ARUBA TA PASA DOSSIER DESAPARICION NATALEE HOLLOWAY PA OM AMSTERDAM

Ministerio Publico di Aruba (OM di Aruba) a ofrece na Ministerio Publico di Amsterdam (OM di Amsterdam) pa pone na su disposicion henter e dossier Arubiano di desaparicion di Natalee Holloway. OM di Amsterdam mester di esaki pa evalua e denuncia di asesinato y/of homicidio cu mama di Natalee Holloway a haci ultimamente na OM di Amsterdam.

OM di Aruba a tuma nota riba 18 di oktober 2023 den media Mericano cu, na e estado di Alabama na Merca, Joran van der Sloot lo a confesa cu el a mata Natalee Holloway na 2005 na Aruba.

Relaciona cu esaki OM di Aruba a manda riba 19 di oktober 2023 un peticion pa asistencia huridico (un asina yama rechtshulpverzoek) riba 19 di oktober 2023 pa Departamento di Husticia di Merca.

Den e rechtshulpverzoek aki a pidi asistencia pa haya tur documento cu por sirbi como prueba den e caso di desaparicion di Natalee Holloway, incluyendo e declaracionnan di Joran van der Sloot.

Departamento di Husticia di Merca a brinda cooperacion total y a entrega na januari 2026 un gran cantidad di e documentonan pidi na OM di Aruba.

Investigacion adicional di e documentonan suministra no a hiba, te na e momentonan aki, na pruebanan ni pa asesinato, ni pa homicidio. Considerando cu e delito di homicidio a caduca caba na Aruba, no ta posibel mas pa persigui Joran van der Sloot penalmente na Aruba pa esaki.

Durante luna di maart mama di Natalee Holloway a haci denuncia na OM di Amsterdam di asesinato/homicidio contra Joran van der Sloot.

Debi na e hecho cu e fecha di vencimento pa e delito di homicidio a caduca na Aruba y mirando e denuncia cu recien a wordo haci na Hulanda, OM di Aruba lo pone e dossier na disposicion di OM di Amsterdam. E fecha di vencimento no a caduca ainda na Hulanda. Considerando ademas cu ta trata di un sospechoso Hulandes, persecucion penal na Hulanda lo ta en principio posibel.

OM di Aruba lo no haci ningun declaracion mas tocante preguntanan huridico awor cu ta OM di Amsterdam cu lo dicidi riba e denuncia.

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristesa pero conforme cu boluntad di Dios
nos ta anuncia fayecimento di nos ser stima:



Graciela Geerman
Cariñosamente yama ‘Chia’
*21-07-1935 - †31-03-2026

Na nomber di su:

Mayornan:

†Ignacio y †Luisa Geerman-Werleman

Rumannan:

†Anastacio y Lucrecia Geerman

†Ana Maria y Techí Briesen

†Regenita y †Marco Kelly

Juliana ‘Juju’ Geerman

†Nicolaas ‘Cochi’ Geerman

Bernardo ‘Benny’ Geerman

Gil ‘Ciro’ Geerman

†Elisabeth Geerman

Sobrino- y sobrinanan:

Lucrecia Kelly, Haime Wiersma y famia

Ester, Javier Ramirez y famia

Robert Kelly y famia

Susan Kelly, Edgardo Magliocchi y famia

Sheritza Geerman, Alvin Filiciana y famia

†Martin Briesen

Virgilio ‘Buchi’ Briesen, Gina Werleman y famia

Bernadeta ‘Eta’, Johnny Croes y famia

Rudolfo ‘Quito’, Mariseli Briesen y famia

Lidia, Tico Kelly y famia

Leo, Zulaika Briesen y famia

Omíria, Milko Lo-Asioe y famia

Tur sobresobrino -y sobrinanan, bisñanan cu a cuida bon di dje, primo, prima, iha, comer, comper, amigo- y amiganan cu ta hopi pa menciona.

Demas famia: Geerman, Werleman, Briesen, Kelly, Ramirez, Franken, Henriquez, Garcia, Croes, Lo-Asioe, Thiel, Hernandez, Ras, Wierma, Magliocchi, Quant, Filiciana, Rasmijn, Wouters, Winterdaal, Leon, Fingal, Rombley y Jansen.

Gradicimento:

Dr. A Singh, Asistent Elviriën y tur cu a cuid’e.

Nos ta pidi disculpa si den nos tristesa nos por a lubida algun ser keri.
Acto di entierro lo tuma lugar diahuebs 9 di april 2026 di 9or pa 11or di mainta na Misa Inmaculada Concepcion na Santa Cruz. Despues lo sali pa santana catolico Pastoor de Vries, Santa Cruz.

Nos ta lamenta cu despues di entierro no por ricibi bishita di condolencia na cas.

FEDERACION DI ATLETISMO TA CONTA CU PARTICIPACION NA WEGANAN IV SURAMERICANO DI HUBENTUD

Atleta di Aruba Athletic Federation Eden Antersyn ta cla pa Panama2026



Athletic Federation y regional manera CARIFTA, mustrando su nivel y desaroyo. Hunto cu entrenadora Silviene Valdez Krosendijk, Eden lo midi forza cu atletanan di 14 otro pais den dos distancia medio riba pista

di atletismo.

Comite Olimpico Arubano (COA) ta contento pa mira mas atleta di atletismo ta destaca y ta yega na participa na Weganan di e ciclo Olimpico. Atletismo ta un di e deportenan

mas antiguo y popular di e Weganan, pues pa tin representacion di nos isla ta algo pa ta orguyoso di dje. COA ta desea Eden y Silviene hopi exito na Panam2026. #TEAMARU #COA #ARUBA



Aruba su delegacion di TEAMARU pa e Weganan IV Suramericano di Hubentud Panama2026 ta conta cu un atleta di atletismo cu lo participa

den e 800m y 1500m plano. Atleta hoben Eden Antersyn ta sigur un deportista conoci y a mira accion na diferente evento local di Aruba



Ministerio di Cultura hunto cu Departamento di Cultura Aruba ta expresa palabranan di condolencia y forza na famia y amistadnan di



COSME DAMIANO HELDER

*27 di September 1938 - +27 di Maart 2026

Na bida Tata di nos Colega Roland "Ruman" Helder



Cu Sr. Dama sosega na paz.